



Oxford
Reading
Tree

ROBIN HOOD



THEATRE ● ● ● ●




Hie Biff as Wilma dys y phanto. Hie ad marish
moir Wilma. Va carrey oc enmyssit Anneena. Hie
Anneena maroo dys y phanto.



Va'n panto mychione Robin Hood. She dooinney mie va Robin Hood. Ren eh cummal ayns keyll marish ny deiney echey. Va taitnys ec dy chooilley pheigh er Robin Hood as hug ad gair dy chooilley cheayrt haink eh stiagh.



Va dooinney olk ayn as va'n ennym er yn Shirrym. Cha row taitnys ec peiagh erbee er yn Çhirrym. V'eh laccal tayrtyn Robin Hood as cur eh fo glass. "Bee er dty hwoaie, Robin!" dyllee ny paitçhyn.



Y laa er giyn, hie Wilma as Anneena dy chloie marish Biff. Ghow ad arrane mychione Robin Hood. Chloie Wilma yn gitar eck as chloie Anneena yn feddan millish eck.

Cha row taitnys ec Kipper er yn arrane. Hug eh ny laueyn echey er ny cleayshyn echey as hug eh eddin er hene.

"Woooooooh," dooyrt Kipper.



Va ogher mygeayrt yn mwannal ehey. V'ee yn
oghher obbee. Va Biff corree rish Kipper.
"Gur yn ogher erash ayns yn chishtey," dooyrt ee.



Dy doaltattym hug yn ogher toshiaght er
soilshean.

"Bee er dty hwoaie, Anneena," dooyrt Biff. "Ta
shoh ny ogher obbee as ta'n obbeey's gobbraghey.
She traa t'ayn son contooyrtys."



Ghow yn obbeys ny paitçhyn dys keyll. V'ee yn cheyll raad va Robin Hood cummal. Dod ny paitçhyn fakin Robin Hood marish kuse jeh ny deiney echey.

Cha row Robin Hood er nakin ny paitçhyn. Va aggle er Anneena.

"Ta treisht aym dy vel eh ny ghooiney mie," dooyrt ee.

"Hooine roin," dooyrt Kipper. "Foddym soaral bee."



Honnick Robin Hood ny paitçhyn:

"Quoi shiuish?" vrie eh. "Vel shiu caillit sy cheyll.

Tar-jee as soie-jee sheese."



Hoie ny paitçhyn sheese liorish yn aile.

"Honnick 'shin uss ayns cloie," dooyrt Anneena.

"Fodmayd goaill arrane mychione ayd."

"Ugh cha nee!" dooyrt Kipper. "Cha nee yn arrane

reesht."



Ghow Biff, Wilma as Anneena yn arrane. Dooyrt
yn arrane dy row taitnys ec dy chooilley pheigh er
Robin agh cha row taitnys ec peigh erbee er yn
Çhirrym. Hug deiney Robin Hood gair.

"Nagh vel shen ny arrane mie!" dooyrt Robin
Hood. "Gow-jee yn arrane reesht."
Yeeagh Kipper er çheu-sthie jeh crockan mooar
doo.
Cha ghow peigh erbee tastey jeh'n Çhirrym
çheet.



Dy doaltattym roie stiagh deiney yn Çhirrym.
Ghow ad greim er Robin Hood as hug ad tead
mygeayrt-y-mysh.


"T'ou goit aym fy yerrey!" dooyrt yn Shirrym.

Lheim ad er deiney Robin as ghow ad greim er
Biff, Wilma as Anneena. Hug ad ad stiagh ayns
cairt.

"Gow-jee ad ersooyl!" dooyrt yn Shirrym.



Dollee Kipper ayns yn chrockan mooar doo. Cha
vaik deiney yn Çhirrym eh.
"Graih veen!" dooyrt eh. "Cre oddym jannoo?
Shegin dou cooney lhieu."




Ghow yn Shirrym ad dys balley beg. Dooyrt eh,
"Ta'n cashtal aym ro foddey ersooyl, myr shen
neemayd scuirr ayns shoh. Shickyree fer jeh ny
deiney aym nagh jean shiu cosney ersooyl."



Hie Kipper dys yn dooinney. Hug eh milljan dys y dooinney.


"Cre shen?" vrie eh.

"Foddee oo cur sleih fo glass ayns shen," dooyrt yn dooinney.




"Cha nod oo cur sleih fo glass ayns shen," dooyrt Kipper. "Cha nod oo adsyn y gheddyn stiagh."

"Oh, foddee oo," dooyrt yn dooinney. "Jeeagh." Hug eh stiagh yn kione as ny laueyn echey.



"Ha!" dooyrt Kipper. "Ren mee molley uss."
Ren eh glassey stiagh yn dooinney as ghow eh
ersooyl ny ogheryn.
"Grrr!" dooyrt yn dooinney.



Ren Kipper feaysley ad.
"Hooiin roin, dy chooilley pheiyagh," dooyrt Robi
Hood. "Lhig dooin goll erash dys yn cheyll. Ch
nel shin gearree yn Shirrym dy hayrtyn shin."



Hie ad dys ard noa jeh'n cheyll.

"Tree gairyn da Kipper," dooyrt Robin Hood. "Nish
thig dooin yn arrane shen my-my-chione y ghoail
reesht."

"Oh, graih veen!" dooyrt Kipper.

Dy doaltattym hug yn ogher obbee toshiaght er
soilshean.

"Cha nel eh agh kiart traaoil," dooyrt Kipper. "T'eh
traa goll."

"Slane lhiu," dooyrt ny paitçhyn.

"Slane lhiu," dooyrt Robin Hood, "as gura mie eu."



"Nagh row shen ny chontoyrtys mie!" dooyrt Anneena. "Va taitnys aym er Robin Hood as ny deiney echey. Lhig dooin goaill yn arrane."
"Aaaaaagh! " dooyrt Kipper.